

Pojedini brojevi:	Mjesečna pretplata:
U Beogradu i u krajevima zaposjednutim od 6. i 12. četa po cijeni od . . . . . 10 helera	U Beogradu i u krajevima zaposjednutim od 6. i 12. četa za vojnu i otpisnu poštu . . . . . 200
U manjim . . . . . 12 helera	U Beogradu sa dostavom u kuću . . . . . 250
	U manjini . . . . . 300
	U inostranstvu . . . . . 450

Oglas po cijeniku.

Zredništvo: BEOGRAD, Vukla Karadžića ul. broj 10. Telefon broj 83.  
Uprava i primanje pretplate Topličin venac broj 21. Telefon br. 28.  
Primanje oglasa Kneza Mihajla ul. broj 38. Telefon broj 245.

## RATNI IZVJESTAJI.

### Izvještaj austro-ugarskog glavnog stožera.

Kb. Beč, 21. jula.

Na vijencu Zagne neprijateljske su jurišne trupe dijelom vatrom, a dijelom u borbi s ručnim granatama, suzbijena i protjerana u nazad.

Borbe u Arbaniji proširile su se postepeno na cijeli odsjek između gornje doline Devoll-a i mora.

Načelnik glavnog stožera.

### Izvještaj njemačkog vojnog vodjstva.

Kb. Berlin, 21. jula.

Zapadno bojište:

Vojna skupina bavar-skog prijestolonasljednika Rupprechta:

Zestokoj topničkoj borbi na Ane-ri slijedili su između Beaumonta i Amela engleski pješački napadi, koji su s teškim gubicima za neprijatelja odbijeni. Tako su isto propali s večerl engleski napadi istočno i jugoistočno od Behuterna. Borbena djelatnost, koja je preko dana bila većinom umjerená, ponovo je s večeri oživjela.

Vojna skupina njemačkog prijestolonasljednika:

Sjeverno od Aisne neprijatelj je izvršio mjesne napade između No u vrona i Fontenoya, koje smo protiv napadom suzbili. Između Aisne i Marne neprijatelj je juče, uvlačeći u borbu nove divizije, htio da iznudi odluku borbe. Neprijatelj je suzbijen. On je pretrpio velike gubitke. Narodi, koji Francuzima pomažu, Alžirci, Tunizani, Marokanci i Senegalsci, nosili su na sebi u najtežim tačkama glavni teret borbe. Senegalski bataljuni, razdijeljeni kao jurišni odredi među francuske divizije, jurišali su iza oklopnih automobila ispred bijelih Francuza. Amerikanci — pa i crni Amerikanci — Englezi i Talijani, borili su se između Francuza. Poslije dva teška borbena dana tek je juče napadačka snaga naših četa došla protiv napadom ponovo do potpunog izražaja. Ona se, odustajući od topničke pripravnosti, sabrazila napadačkom postupku protivnika, koji se oslanjao na uvlačenje u borbu oklopnih automobila u masama, što je u početku iznenadljivo.

Jučerani borbeni dan po svojim djelima u vodjstvu i samih četa, i svojim pobjedničkim ishodom, dolazi u ravnoj mjeri u red velikih borbenih uspjeha, koji su ranije u borbenim oblastima izvojevali. Na visovima jugozapadno od Soissona slomili su se napadi, koje je neprijatelj, poslije ike bubnjarske vatre, bio upravo protiv tog grada. Predvođena oklopnim automobilima neprijateljska pješadija je sedam puta prelazila u napad protiv druma Soisson Chateau Thierry, istočno Ourca. Sjeverozapadno od Hartenessa slomljen je potpuno napad većinom još pred samim našim linijama. Jugozapadno od Hartenessa odbili smo protivnapadom jurišajućeg neprijatelja. Njegova pješadija, koja se ovdje u gustim gomilama u blagostvu polavlačila, bila je obuhvaćena i satrvana našom snažnom topničkom, pješačkom i mašinskom vatrom. I južno Ourca našim protivnapadom je slomljen neprijateljski napad. Sjeverozapadno od Chateau-Thierry-a svi oni pukovi, koji su posljednjih nedjelja bili uzaludno napadani, održali su se i juče pobjedonosno protiv nekoliko jakih napada Amerikanaca. Tu su Amerikanci pretrpili velike gubitke. Noću, ne priluzne-mireni od neprijatelja, prenijeli smo obranu na zemljište sjeverno i sjevero-istočno od Chateau-Thierry-a. Na južnoj obali Marne neprijatelj je juče prije podne, poslije topničke pripreme, koja je trajala četiri sata, i guste vatrene zaštite, izvršio ledinstven napad s mnogim oklopnim automobilima protiv položaja, koje smo mi prošle noći napustili. Cio ovaj napad se raspulnuo pred praznim položajima. Naša topnička vatra, koja je sa sjeverne obale djelimično bočno djelovala nanjela je neprijatelju velike gubitke. I jugozapadno od Reimsa neprijatelj je ike snage uveo u napad protiv položaja, koje smo osvojili između Marne i sjeverno od Ardre. (Ovdje su Englezi došli Francuzima i Talijanima

## Džinovske borbe na zapadu.

### Uspješni njemački protivnapadi. Strahoviti gubici trupa sporazumnih sila.

U pomoć). U našoj vatri i našim protiv napadima slomili su se ti napadi s teškim gubicima po neprijatelja.

Borački letaci vrlo su često sa uspjehom ulazili u borbu s mašinskim puškama i bombama, naročito protiv neprijateljske pješadije i sakupljenih oklopnih automobila i kolona. Oborili smo 24 neprijateljske letalice i 3 osmatračka balona. Kapetan Berthold izvojevao je svoju 39., a natporučnik Loerzer svoju 28. i poručnik Billik svoju 24. vazдушnu pobjedu.

U Champagne-i se s vremena na vrijeme razvijaju mjesne pješake borbe.

Prvi zapovjednik glavnog stana pl. Ludendorff.

### NJEMAČKI VEČERNJI IZVJESTAJ.

Kb. Berlin, 21. jula.

Wolffov ured javlja: Na borbenom frontu između Aisne i Marne osujećeni su francuski napadaji. U veče su se razvile nove borbe između Aisne i Oureca.

### Dogadjaji u Rusiji.

Smrt bivšeg ruskog imperatora. — Ustrjeljen presudom uralske sovjetske vlade. — Sav imetak carske porodice zaplijenjen.

Kb. Moskva, 21. jula.

Kako „Pravda“ javlja, bivši car je 16. o. m. na osnovu presude uralske sovjetske vlade, strijeljan u Jekatarinenburgu. „Bledneta“ donosi vijest na ovaj način: „Voljom revolucionarnog naroda krvavi car je na najsretniji način skončao u Jekatarinenburgu. Zivio crveni teror.“ Dekret od 19. o. m. objavljuje, da cjelokupno imanje bivšeg cara, carice Aleksandre i svih članova carske porodice prelazi u svojini ruske republike. U ovu zaplijenu obuhvaćeni su svi ulozci carske porodice u ruskim i stranim bankama.

### Suzbijanje protivrevolucije.

Kb. Kijev, 21. jula.

„Ruskij Golos“ javlja, da su po završetku uličnih bojeva u Voronježu između sovjetskih trupa i trećeg litavskog, kao i drugog kuronskog puka, obadva posljednja puka razoružana.

### Operacije protiv protivrevolucionaraca na Uralu.

Stockholm, 21. jula.

Po opisu maksimalističkih listova razvijaju se operacije protiv protivrevolucionaraca na Uralu i Volzi povoljno za boljševike. Prema vijesti jednog divizijskog vođe odbile su sovjetske čete jedno odjeljenje od 3500 ljudi, koje je sa 5 topova napadalo na stanicu Filonovo. Zarobljeno je 150 kazaka, među ovima 29 časnika, zaplijenjen je jedan top i osam mašinskih pušaka. U Irkucku su rudarski radnici iz mjesta odbili napade bijelih gardista. Naredjena je pooštrena zaštita željeznice i najstrožiji nadzor nad putnicima na prugama Caricin-Tihorjeckaja i Rjazan-Kolomno.

### Otkrivena zavjera.

Kb. Moskva, 21. jula.

U Orenburgu je otkrivena zavjera časnika i intelektualaca uz sudjelovanje socijalnih revolucionaraca. Zaverenicima je izdavano oružje iz slagališta „crvene vojske“.

### Njemački obzir sa crnomorskom flotom.

Kb. Kijev, 21. jula.

Ruska crnomorska flota, koja se nalazi kod Sevastopolja, nalazi se pod zapovjedništvom domaćih časnika. Njemačka je odbila da se njuša u njihove unutarnje stvari.

### Rat između Engleske i Rusije faktički već postoji.

Kb. Moskva, 21. jula.

Raspravljajući o političkom položaju, razlaže „Pravda“, da se engleski i francuski imperijalizam mora tačno posmatrati. Mora se reći potpuna istina. Ako i ne formalno, ali faktički ipak postoji rat između

medju Engleske i Rusije. Englezi idu bez buke i uztezanja, bez zvaničnih nota, tiho kroz lagune, da bi nas jednog nepog dana žrve ulovili. Njihov plan je jasan: sjediti se sa Česma, koji sa sjevera prodiru, rastaviti nas od Sibirije, i da u Arhangelsku, Wologdi i Jekaterinenburgu potpomognu izbijanje protivrevolucije.

### „Ogorčeni“ Balfour.

Njegov govor prilikom godišnjice proglašenja belgijske nezavisnosti. Divlji ispad protiv Njemačke.

Kb. London, 21. jula.

Na zboru, održanom u Londonu prilikom godišnjice proglašenja belgijske nezavisnosti, rekao je ministar spoljnih poslova Balfour: Njemačka se u ovom ratu mnogo puta prevarela u račun. Ona zbija nikada nije napravila kakav moralni račun, koji ne bi u veliko promašio svoj cilj. Nikada joj se ne će zaboraviti zločin, čija je žrtva bila Belgija. Kada bude došlo vrijeme, da Evropa za zelenim stolom raspravlja o tome, kako će se sačuvati od ponavljanja zvjerstava i užasa, što ih je počinila Njemačka, tada evropski državnici nikako ne će moći zaboraviti, da njemačko obećanje ne predstavlja obavezan ugovor. Istoga časa, kada je Njemačka napala Belgiju, objavila je druga jedna mala država, Švajcarska, da će svoju neutralnost braniti protiv napada sa koje strane bilo. Ko može pojmijati da bi u slučaju, da je nešto njemačkoj vojnoj upravi bilo zgodnije napasti Francusku preko Švajcarske nego preko Belgije, Belgija bila ta, koja bi primila čestitke od njemačke vlade, a Švajcarska bila pogazena njemačkom činom. No najveću je uvrijedu pretrpila Belgija od njemačkog glavnog kancelara povodom njegovog posljednjeg govora. Kancelar na ime priča, da Njemačka ne misli za navijek zadržati Belgiju, već da je misli upotrebiti jedino kao zalogu. Sta čovjek treba da podrazumjeva pod ovom riječju, kako ju je kancelar upotrijebio u ovom slučaju? Znači, da je Njemačka vojna, — pošto je bez ikakvog izazivanja sa belgijske strane napala i osvojila Belgiju, pošto je po osvajanju nemilosrdno postupala sa njom i otela joj sav materijal, svo imanje i svaku moralnu satisfakciju za ovaj nasrtaj na njenu slobodu, — da ovu zemlju vrati, pod pretpostavkom, da može dobiti drugu kakvu zemlju, u kojoj bi Nijemci mogli upražnjavati svoje naročite sposobnosti. Ako on govori o zalozl i o nekoj razmjeni Belgije za drugu kakvu zemlju, to možda samo treba da znači, da je on voljan da učini kraj ugnjetavanju Belgije i naopakom upravljanju u njoj, pod uslovom da sile daju Njemačkoj dozvolu da u drugoj kakvoj evropskoj ili vanevropskoj zemlji loše upravlja i ugnjetava je. Eto to i ništa drugo ina da znači označavanje Belgije kao zaloge. Meni se čini da su od velikog broja nasilja, što ih je Belgija morala pretrpiti preko glave, mnoga bila svirepija, ali svakako ni jedno od tih nasilja nije bilo uvredljivije od ovog tvrdjenja.

### Njemački poluzvanični odgovor.

O ovim izjavama veli „Norddeutsche Allgemeine Zeitung“: Izjave gospodina Balfoura jasno pokazuju, koliko engleski ministar zazire od umirućeg utiska, što su ih u belgijskom javnom mišljenju izazvale izjave njemačkog kancelara. On nikako nije htio da tumači pojam „zaloga“ onako, kako ga je podrazumijevao njemački državni kancelar. U mjesto toga on je postavio neku samovoljnu svoju teoriju o zalozl, koja je prirodno čisto britanskog karaktera. Irska, Grčka pa i sama Rusija, koja je do prije kratkog vremena bila saveznik Engleske, zatim neutralne evropske države ugnjetavane engleskom pomorskom despotijom, jasan su dokaz o tome, koliko grubo Engleska ignoriše tuđu prava, samo ako misli da je to u njenom interesu. Državni kancelar izjavio je, da Belgija nikad više ni u vojničkom, ni u političkom ni u privrednom smislu ne smije biti koncentracijom oblast neprijatelja Njemačke i neprijatelja mira. Belgija u

prvom redu treba da bude zaloga za to, da se raskinu mreže, u koje je Engleska već prije rata uvukla Belgiju. Samo se po sebi razumljivo da okupirana oblast u sjevernoj Francuskoj u našim rukama predstavlja zalogu za otete nam kolonije i za razoravanje njemačke svjetske trgovine, kao i za sve štete što su nam ih neprijatelji mimo međunarodnog prava nanijeli. Gospodin Balfour neće biti u stanju da iznese kakve bilo ubjedljive pravno osnovane razloge za upotrebljavanje sjeverne Francuske kao zalogu.

No dokle god mi u tu svrhu budemo držali sjevernu Francusku, razumljivo se da moramo držati i Belgiju; kroz tu oblast naime vode svi naši saobraćajni putevi za okupirane krajeve neprijateljske nam Francuske. Ni jedan trezveni i misleni čovjek ne će ozbiljno uzeti Balfourovo ukazivanje na Švajcarsku. Ova slobodna republika, koja je imala i koja još i sad ima sasvim druga shvatanja o neutralnosti nego što ih je imala Belgija, zna, da nema šta da se boji od Njemačke, ako s uspjehom bude branila svoju slobodu od engleskog ili drugog kakvog turotisanja.

### Intervencija sporazumnih sila u Rusiji.

Do sad iskrcalo 30.000 ljudi sporazumnih sila na murmanskob obali.

Kb. Stockholm, 21. jula.

Čete sporazumnih sila, koje su se do sad iskrcale na murmanskob obali, broje 30.000 ljudi. Glavni zapovjednik izdao je poziv stanovništvu, da zaštite njihov ratni materijal protiv njemačkih i finskih vojnika i oglasio zemlju kao suverenu oblast sovjeta pod zaštitom sporazumnih sila.

### Započela otvorena neprijateljstva.

Stockholm, 21. jula.

Ruski dopisni ured javlja, da su Englezi na murmanskob obali prešli u otvorena neprijateljstva. Oni su prodrli 11 km. prema jugu i zauzeli Soroku, pošto su je bombardovali sa engleskih ratnih brodova. Sovjetske trupe su se povukle.

### Rat na moru.

Potopljen veliki američki ratni brod.

Kb. Washington, 21. jula.

Mornarski ured javlja, da je 20. jula u jutro potonula jedna krstarica Sjedinjenih Država. Izgleda da nije bilo ljudskih žrtava.

Kb. Amsterdam, 21. jula.

Kako se iz New-Yorka javlja, izrok je propasti oklopljene krstarice nepoznat. Iskrcana su 353 mornara posade. Ministarstvo mornarice javlja, da se dalje veliki broj posade potopljene krstarice nalazi na dvjema parnim brodovima, koji su sa nepoznatim određenjem nastavili svoj put.

### Rat u vazduhu.

Amerikansko-njemačka vazдушna bitka. — Smrt Rooseveltove sina.

Kb. Berlin, 21. jula.

Wolffov dopisnik javlja iz velikog glavnog stana: Pri pokušaju američanske vazdušne eskadre, da prodre njemačku vazдушnu blokadu, poginuo je Quentin Roosevelt junačkom smrću. Odred od sedam njemačkih letalica, koji je krstario nad Marne, opazio je u okolini Dormansa 12 američanskih lovačkih letaća. Razvila se žestoka vazдушna borba, koja je stigla do vrhunca u dvoboju između Amerikanca i lovačko-letaćkog podčasnika Grepera. Poslije nekoliko pucnjeva počela je američanska letalica koja je očigledno ostala bez pilota, padati, i najposlije se srušila kod sela Chambray, oko 10 km sjeverno od Marne. Američanski letak ubijen je sa dva metka u glavu. Po njegovim hartijama doznalo se, da je to poručnik Quentin Roosevelt, iz avijatičke sekcije vojske Sjedinjenih Država. Zao-

stavština poginuloga nalazi se na pouzdanom mjestu, da bi se kasnije mogla predati rodbini. Zenne ostatke mladog hrabrog letaća sahranili su njemački letaci sa ratnim počastima kod Chambarya.

### Razne brzojavne vijesti.

#### Odlikovanje pl. Kühimanna.

Kb. Berlin, 21. jula.

Car je pl. Kühimannu povodom njegovog odlaska iz službe, podario orden crvenoga orla I. razreda.

#### Bjesnilo sporazumne štampe protiv Hertlingovog govora.

Kb. Berlin, 21. jula.

„Daily Mail“ odbija izjavu Hertlingove da se Belgija drži za ručnu zalogu. „New-York-Times“ označavaju Hertlingova uvjeravanja, da nijesu od važnosti, pošto saveznici osim kosijih njemačkih vojnika ništa drugo od Nijemaca ne će ostaviti u Francuskoj i Belgiji. „World“ piše, da američki narod ne će sklopiti mir, koji ne bi dao Francuskoj sigurnost, za koje je francuska krv tekla u potocima.

#### Bolest gfofa Hertlinga.

Kb. Berlin, 21. jula.

Kako listovi saznaju, državni kancelar grof Hertling, koji se bavio u glavnom stanju, morao se, poslije više dnevnog službenog puta, zbog nabeha podvrći ljekarskom pregledu. On se već nalazi na putu oporavljenja.

#### Strijeljanje vjernih grčkih časnika.

Zürich, 21. jula.

Iz Atene se javlja, da je kasacioni sud odbio žalbu obojice grčkih časnika protiv presude, da su došli iz Orlita u Atenu da predaju kralju Aleksandru pismo kralja Konstantina. Oni su okrivljeni, da su tjerali špijunažu za račun Njemačke. Predstoji smaknuće obojice časnika.

#### Vojni atašej srednjih vlasti u Ukrajini.

Kb. Kijev, 21. jula.

Poslanstvima četvornog saveza, koja se nalaze u Ukrajini pridodaće se vojni atašej.

#### Španjolska bolest u Švajcarskoj.

Kb. Bern, 21. jula.

U Švajcarskoj uzima španjolska bolest opasan karakter. U vojsci je bilo 116 smrtnih slučajeva.

#### Novo ukrajinske novčanice.

Kb. Kijev, 21. jula.

Ministarski savjet je odlučio, da izda 500 milijuna rubalja novih ukrajinskih novčanica.

### Grad i okolica

#### Bečka narodna opera.

Gostovanje bečke narodne opere otpočelo je u subotu sa Smetaninom melodijoznom i vazda svježom komičnom operom „Prodanom nevjestom“, a produžilo se jučer s Verdijevim „Rigolettom“. Pozorište je obje večeri bilo puno i prepuno otmjena svijeta. Bečki gosti izvide u odnurenom im krugu scena i orkestra brižno i s puno volje povjerene im zadatke, pa ako i nemaju onih linija, s kojima se isticala dvorska opera, ipak cjelokupni utisak uvelike zadovoljava. U nekih snaga mladenačkog poleta i bujnosti. Repertoar je biran i raznolik, pa kako su već za mnoge opere ulaznice već unaprijed prodane, uspjeh je ovog gostovanja s materijalne strane potpuno osiguran. Sutra, u utrak Offenbachove „Hoffmannove priče“.

### Poziv na pretplatu!

Od 1. avgusta otpočinje nova mjesečna pretplata!

Molim, da se ista za vremena obnovi, da bi se mogao list bez ikakova prekidanja dostavljati.

Kod obnove pretplate umoljavamo, da se uzmu u obzir ove cijene.

#### Pretplata:

Za Beograd, za Gubernij Srbije, za vojne i etapne pošte, mjesečno 250 kruna; Za Beograd sa dostavom u kuću mjesečno K. 3.— Za Manarhiju mjesečno K. 3.— Za inostranstvo mjesečno K. 450.

Plaćanja se mogu obaviti poštanskom doznačnicom, a naručiti list je najbolje kratko poštanskom kartom.

Kod preseljenja, osobito kod promjene bojnih pošta nužno je, da se osim točne nove adrese navede i prijašnja adresa.

#### Uprava

„Beogradskih Novina“  
etapna pošta Beograd.

